



Тошкент

Газета 1966 йил
1 июлдан
чиқа бошлаган

ШАҲАР ИЖТИМОЙ-СИЁСІЙ КУНДАЛИК ГАЗЕТАСИ

№ 25 (11.836)

Баҳоси эркин нарҳда

КЎП ТОМОНЛАМА ҲАМКОРЛИКНИ РИВОЖЛАНТИРИШ — УЗОҚ МУДДАТЛИ МАНФААТЛАРГА МОСДИР

Хорижий мамлакатларнинг ижтимоий-сиёсий ва эксперт-таҳлилий доираларида Ўзбекистон Республикаси Президенти Ислон Каримовнинг Брюсселга амалга оширган ташрифи яқунларининг муҳокамаси қизгин давом этмоқда.

Франциянинг Гавр университети халқаро муносабатлар факультети профессори, сиёсатшунос Пьер Шабалнинг эътирофига кўра, Президент Ислон Каримовнинг Брюсселга ташрифи Ўзбекистон билан Европа Иттифоқи ва НАТО ўртасидаги ўзаро манфаатли ҳамда кўп қиррали муносабатларни ривожлантиришга жиддий туртки бериши, шубҳасиз. «Ташриф яқунлари Ўзбекистон билан ўзаро манфаатли ва кўп томонлама ҳамкорликни ривожлантириш Европа Иттифоқининг узоқ муддатли манфаатларига мос келишини яна бир бор намоён этди. Зеро, бутун Ўрта Осиё минтақасининг иқтисодий ривожланиши ва барқарорлигини сақлашда муҳим аҳамият касб этувчи Ўзбекистоннинг фаол иштироки ва кўллаб-қувватлашисиз Европа Иттифоқининг барча минтақавий лойиҳаларини, шу жумладан, 2007 йилда қабул қилинган «Европа Иттифоқининг Марказий Осиё бўйича стратегияси»ни амалга ошириб бўлмайди», деди у.

Сиёсатшуноснинг фикрича, томонлар ўртасида савдо-иқтисодий ва энергетик ҳамкорликни мустақамлаш муҳим аҳамиятга эга бўлиб, бу борада Европа Иттифоқининг Ўзбекистонда сармоявий лойиҳаларни амалга оширишдаги ёрдами ва

иштироки ҳамда мамлакат иқтисодиётининг муайян тармақларини модернизациялаш учун технологиялар етказиб бериш билан боғлиқ бўлган ишлар ўзаро манфаатларни инobatга олиб ва мавжуд миллий қонунчиликка риоя этган ҳолда амалга оширилиши керак.

Ўзбекистонда Европа Иттифоқининг дипломатик ваколатхонасини таъсис этиш тўғрисида эришилган келишув, П.Шабалнинг таъкидлашича, икки томонлама мулоқотнинг самарадорлиги ва сифатини оширишга имкон беради. У Ўзбекистон Европа Иттифоқи билан ўзаро манфаатларга асосланган барча йўналишларда, шу жумладан, инсон ҳуқуқлари соҳасида доимо очик ва амалий мулоқот тарафдори бўлиб келганини қайд этди. Ўтган йилги йил давомида Ўзбекистонда жамиятнинг демократлаштириш ва инсон ҳуқуқларини таъминлаш тамойилларига риоя қилиш соҳасида улкан ишлар амалга оширилди.

«Европа Иттифоқи, ўз тарихий ролига таянган ҳолда, Ўрта Осиёё мамлакатлари, хусусан, Ўзбекистон билан трансчегаравий дарёларнинг сув ресурсларидан оқилонга фойдаланиш соҳасида тўплаган тажрибасини ўртоқлашиши мумкин. Кези келганда шуни ҳам унутмаслик лозимки, Амударё ва Сирдарё-

нинг юқори қисмида жойлашган баъзи мамлакатларнинг кўзлаётган режалари ушбу дарёлар сув ресурсларининг бир маромдаги тақсимодини таъминлашни ҳамда минтақанинг барча давлатлари аҳолисининг ҳуқуқ ва манфаатларини эътиборга олган ҳолда амалга оширилиши керак» деди сиёсатшунос.

Афғонистон масаласи ҳақида ўз мулоҳазасини билдирар экан, П.Шабал НАТО, Ўзбекистон Президенти Ислон Каримов турли халқаро ва минтақавий тадбирларда қайта-қайта таъкидлаганидек, минтақавий ёндашувсиз ва қўшни давлатларнинг бевоқиф иштирокисиз ушбу мамлакатда тинчликни таъминлаб бўлмастлигини англаб етмоғи лозимлигини қайд этди. «Менинг назаримда, Афғонистон муаммосининг сиёсий ечимини минтақавий коллектив ҳавфсизликни инobatга олмасдан топиш мумкин, деб ўйлаш хато бўлади», деди П.Шабал.

Австриянинг «Бизнес, маданият ва спорт» журнали бош муҳаррири Манфред Тихи Ўзбекистон Президенти Ислон Каримовнинг Брюсселга амалга оширган ташрифи Ўзбекистон билан Европа Иттифоқи ўртасидаги икки томонлама муносабатларда жуда муҳим воқеа бўлганини қайд этди. (Давоми 2-бетда)

«ЎЗБЕКИСТОН ИҚТИСОДИЁТИ ТАРАҚҚИЁТ ЙЎЛИДА ЯНАДА ДАДИЛ ОДИМЛАЙДИ»

Ўзбекистон Республикаси Президенти Ислон Каримовнинг 2010 йилда мамлакатимизни ижтимоий-иқтисодий ривожлантириш яқунлари ва 2011 йилга мўлжалланган энг муҳим устувор йўналишларга бағишланган Ўзбекистон Республикаси Вазирлар Маъжасининг мажлисидаги маърузаси хорижий давлатларнинг Тошкентдаги дипломатик корпуслари вакиллари томонидан кенг шарҳланмоқда.

Хитой Халқ Республикасининг Ўзбекистондаги муваққат ишлар вакили Чжан Вэй Президент Ислон Каримовнинг Вазирлар Маъжаси йиғилишида сўзлаган маърузаси юзасидан ўз мулоҳазаларини билдирар экан, мамлакатнинг 2010 йилдаги асосий ижтимоий-иқтисодий кўрсаткичлари Ўзбекистоннинг инқироздан кейинги даврда амалга оширилган, энг аввало, аҳолининг фаровонлигини юксалтириш ва мамлакатда барқарорликни таъминлаш борасидаги иқтисодий стратегиясининг нақадар тўғри эканлиги амалда намён бўлганини таъкидлади.

Дипломатнинг сўзларига кўра, «Ўзбекистон раҳбари томонидан белгиланган мамлакатни ривожлантиришнинг устувор йўналишлари ва уларнинг ҳаётга изчил татбиқ этилиши иқтисодиётнинг янада юксалишига мустақам асос бўлади ва келгуси тараққиёт жараёнига хизмат қилади».

Малайзиянинг Ўзбекистондаги факулдда ва мухтор элчиси Азиз Хоруннинг мулоҳазаси билдиришича, «Ўзбекистон Республикасининг 2010 йилги иқтисодий кўрсаткичлари, айникса,

мамлакат ялпи ички маҳсулотининг дунёдаги энг юқори кўрсаткичлардан бири бўлган 8,5 фоизни ташкил этгани алоҳида эътиборга молиқдир». У, шунингдек, давлатимиз раҳбарининг интилиши ва сазъ-ҳаракатлари туфайли 2011 йил ҳам Ўзбекистон учун яна бир муваффақиятли давр бўлишига ишончи қомиллигини таъкидлади.

Шу билан бирга, малайзиялик дипломат Буюк Британиянинг машҳур нашрларидан бири «Economist intelligence Unit» журналидаги маълумотларни келтириб, унга кўра, «Ўзбекистон яқин фурсатда 2011 йилдаги жаҳоннинг ўн та «иқтисодий йўлбарс» давлатлари қаторига киришини» қайд этди. Азиз Хоруннинг фикрича, кичик бизнес ва хусусий тадбиркорлик дунёнинг ривожланган мамлакатлари иқтисодиётининг асосини ташкил қилишини инobatга олган ҳолда, Ўзбекистон Президенти томонидан 2011 йилнинг «Кичик бизнес ва хусусий тадбиркорлик йили» деб аталishi малайзияликлар томонидан ниҳоятда долзарб, тўғри ва оқилон қарор сифатида баҳоланди. (Давоми 2-бетда)

ПОЙТАХТНИНГ БИР КУНИ



ЭЗГУЛИККА ЧОРЛОВЧИ МАСКАН

Санъат инсонни ҳамиша эзгуликка чорлайди. Ёш авлод қалбида меҳр-муҳаббат ва садоқат, ватанпарварлик каби инсоний фазилатларни камол топтириш, маънавий етук инсон бўлиб вояга етишларида мусиқа ва санъат мактабларининг ўрни беқиёсдир.

Кейинги йилларда болалар мусиқа ва санъат мактаблари фаолиятини такомиллаштиришга алоҳида эътибор қаратилаётганлиги барчамизга аён. Бу борада Президентимизнинг «Болалар мусиқа ва санъат мактабларининг моддий-техник базасини мустақамлаш ва уларнинг фаолиятини янада яхшилаш бўйича 2009-2014 йилларга мўлжалланган Давлат дастури тўғрисида»ги Қарори муҳим дастуруламал бўлиб хизмат қилмоқда.

Дарҳақиқат, Юртбошимизнинг мазкур қарорларига мувофиқ болалар мусиқа ва санъат мактаблари тўлиқ таъмирланиб, янгича, замонавий қиёфага эга бўлмоқда, шу билан бирга замон талаблари даражасидаги мусиқа асбоб-анжомлари билан ташкил этилган мусиқа мактаблари мустақиллигимизнинг 19 йиллиги арафасида тўлиқ таъмирдан чиқарилиб, янги ўқув йилида фойдаланишга топширилди.

— Замонавий бино барчамизга бир олам кувонч бахш этди, — дейди мазкур санъат мактаби директори Норкул Ризаев. — Айни кунда мактабимизда 290 нафар санъатга ихлос қўйган ёшлар таърибли устоз-мураббийлардан сабоқ олишмоқда. Ўқув хоналари, залларимиз бутунлай янги

қиёфа касб этиб, барча шарт-шароитлар яратилган. Замон талаблари даражасидаги мусиқа чолғулари — 11 та фортепиано, 2 та роляль, ўзбек халқ чолғуларидан қашқар рубоби, ўйма қашқар рубоби, афғон рубоби, прима, дутор бас, дутор прима, дутор альт, анъанавий дутор, гижжак, қонун, доира, қўшнай, ноғора, уд, най каби кўплаб мусиқа чолғулари ҳамда дамли ва зарбли чолғулар жамламаси билан тўлиқ таъминланди. Мактабда узоқ йиллардан бери ўз билим ва тажрибасини ёшларга ўргатиб келаётган Н.Носирова, В.Бербер, А.Қагманова, М. Берман каби ўқитувчилардан ўқувчилар ва ота-онилар доимо миннатдор.

Мактаб ўқувчилари турли хил танловлар, байрам тадбирларида иштирок этиб келмоқда. Шунингдек, маҳаллаларда, умумтаълим мактабларида хайрия концертига ўтказиш аъянага айланган.

Эртаимизнинг ишончли қалқони бўлган ёш санъат гулгунчаларига ҳамиша ойдин йўллар ҳамроҳ бўлсин. Эзгу ва хайрли мақсад сари дадил одимлари истикбол сари етакласин.

Дилором ИКРОМОВА
СУРАТДА: 22-болалар мусиқа ва санъат мактаби фаолиятдан лавҳа.
Козим Ўлмасов олган сурат

XXI аср садоси

БАРЧА МАНБАЛАРДАН
ОЛИНГАН СЎНГИ ХАБАРЛАР

МАМЛАКАТИМИЗДА

• Наманган шаҳридаги Ёшлар марказида Ўзбекистон Республикаси Адлия вазирлиги ҳамда Наманган вилояти ҳокимлиги ҳамкорлигида Президентимизнинг Ўзбекистон Республикаси Олий Мажлиси палаталарининг 2010 йил 12 ноябрда бўлиб ўтган қўшма мажлисидаги маърузаси мазмун-моҳиятини тарғиб қилишга бағишланган семинар ташкил этилди.

• «Камолот» ЁИХ Марказий Кенгашида давлатимиз раҳбарининг Олий Мажлис палаталари қўшма мажлисидаги «Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепцияси» мавзусидаги маърузасининг мазмун-моҳиятини ёшлар орасида кенг тушунириш ва тарғиб қилиш бўйича олиб борилаётган чора-тадбирларга бағишланган анжуман бўлиб ўтди.

• Қибрай туманида Ўзбекистон ХДП Марказий Кенгаши томонидан кичик бизнес ва хусусий тадбиркорлик соҳасини кўллаб-қувватлаш ва янги иш ўринлари яратишда микроолиявий хизматлар кўрсатиш кўламини янада кенгайтириш масалаларига бағишланган иқтисодий ўқув-семинар бўлиб ўтди.

• Наманган шаҳрида «Ўзбекистон-Хитой савдо уйи»нинг вилоят ваколатхонаси иш бошлади. Ваколатхонада ишбилармонлар техника ва технология янгилари билан танишиш, ахборотлар, маслаҳатлар олиш, тегишли мутахассислар иштирокида шартномалар тузиш ва вакиллик ёрдамида Хитойдан ҳар жиҳатдан кафолатланган ускуналар келтириш имкониятига эга бўлади.

• Қарши туманилик тадбиркор Ёркин Ҳамроев ташаббуси билан Кожор қишлоғида қаровсиз бино муқаммал таъмирдан чиқарилиб, нурунийлар учун дам олиш мажмуасига айлантирилди. Бунинг учун тадбиркор ўз маблағи ҳисобидан 70 миллион сўм сарфлади.

• Қашқадарё вилояти Фузур тумани тиббиёт билашмасига қарашли 50 ўринга мўлжалланган туғруқ мажмуаси янгидан бунёд этилди. «Шўртан газ кимё» мажмуаси ҳомийлигида барпо этилган ушбу тиббиёт масканида тиббий хизматни замонавий асосда ташкил этиш борасида кўпгина имкониятлар яратилди.

• Самарқанд вилояти Пастдарғом тумани маркази — Жума шаҳрида «Пастдарғом тикувчи» масъулият чекланган жамияти иш бошлади. 82 миллион сўмлик таъмирлаш-тиклаш ишлари амалга оширилган ушбу корхонада 40 та иш ўрни яратилиб, қисқа муддат ичида 11 миллион сўмлик болалар либослари ишлаб чиқарилди.

ЖАҲОНДА

• Мьянма парламенти ўзининг янги тарихида илк бор президент сайловини ўтказди.

• Қозғистонда муддатидан олдин ўтказиладиган президент сайлови 3 апрелга белгиланди.

• Сомали парламенти ўз ваколатлари муддатини яна уч йилга узайтирди.

• Кеча Ироқнинг Эр-Рамада шаҳрида террорчилар томонидан амалга оширилган учта портлаш натижасида 8 киши ҳалок бўлди, 19 та одам тан жароҳатлари олди.

• Хитойнинг Ляонинг музофотидаги беш юлдузли меҳмонхонада ёнғин юз берди. Натижада бинога жиддий зарар етди. Тежвор кўрилган чора-тадбирлар туфайли 50 нафар одам эвакуация қилинган. Қурбонлар ва жабрланганлар ҳақида маълумотлар йўқ.

• Италия ҳукумати болалар озуқа маҳсулотларини пластик идишларда қадоқлашни тақиқлаш тўғрисида қарор қабул қилди. Боиси, пластмасса идишлар ва қутилар таркибидаги бисфенол А моддаси маҳсулот сифатига салбий таъсир кўрсатади.

• Боливияда қурилиши давом этаётган тўққиз қаватли бинонинг кулаб тушиши натижасида 18 киши ҳалок бўлди.

• Хитоёда 42 миллион аҳоли истиқомат қилувчи шаҳар пайдо бўлади. Бунинг учун мамлакат маъмурияти Чжуэян дарёси қирғоғида жойлашган 9 та йирик шаҳарни битта мегаполисга бириштиришни режалаштирмоқдалар. Шаҳарнинг умумий майдони 41,5 минг квадрат километрдан иборат бўлади. Олти йил давомида шаҳарларни бириштириш учун маъмурият транспорт, муҳандислик ва ижтимоий инфратузилмага тааллуқли 150 га яқин иншоотларни бунёд этишни кўзда тутмоқдалар.

ҚИСҚА САТРЛАРДА

Тошкент шаҳар ҳокимлигининг Ахборот хизмати ва ўз муҳаббатларимиз хабарларидан.

✓ **ПОЙТАХТИМИЗДАГИ** 100-мактабда «Камолот» ЁИХ, ички ишлар ва «Маҳалла» жамғармасининг Яққасарой туман бўлимлари ҳамкорлигида «Хуқуқий давлат: моҳият ва шакл» мавзусида давра суҳбати бўлиб ўтди.

✓ **ЯҚҚАСАРОЙ** туман ҳокимлигида аҳолининг репродуктив саломатлигини мустақамлаш, соғлом бола туғилиши ҳамда аҳолига тез тиббий хизмат кўрсатиш тизimini такомиллаштириш, хотин-қизларнинг тиббий маданияти ва хуқуқий саводхонлигини ошириш юзасидан семинар ўтказилди.

✓ **БУГУН** Ўзбекистон Бадиий академиясининг кўрғазмалар залида буюк мутафаккирлар Алишер Навоий ва Заҳириддин Муҳаммад Бобур таваллудига бағишлаб ранг-таъсир устаси Тимур Саъдуллаевнинг «Аждодларни хотирлаб» деб номланган шахсий кўрғазмаси ташкил этилди.

